

## "Қазақ ССР-інде азаматтарды зейнетақымен қамсыздандыру туралы" Қазақ ССР Заңына өзгертулер мен толықтырулар енгізу туралы

Қазақстан Республикасының Заңы 1996 жылғы 16 шілдедегі N 32-І

1-бап. "Қазақ ССР-інде азаматтарды зейнетақымен қамсыздандыру туралы" 1991 жылғы 17 маусымдағы Қазақ ССР Заңына (Қазақ ССР Жоғарғы Кеңесінің ведомостары, 1991 ж., N 25, 328-құжат; Қазақстан Республикасы Жоғарғы Кеңесінің ведомостары, 1992 ж., N 6, 125-құжат; N 13-14, 323-құжат; N 16, 401-құжат; 1993 ж., N 8, 159-құжат; 1994 ж., N 9-10, 148-құжат) мынадай өзгертулер мен толықтырулар енгізілсін:

1. Заңның атауы мынадай редакцияда жазылсын:

"Қазақстан Республикасында азаматтарды зейнетақымен қамтамасыз ету туралы"  
Қазақстан Республикасының Заңы;

2. Кіріспе алынып тасталсын.

3. 1 - б а п т а :

атауы мен бірінші бөліктегі "Қазақ ССР-інде" деген сөздер тиісінше "Қазақстан Республикасында", "Қазақстан Республикасы" деген сөздермен ауыстырылсын;  
екінші және үшінші бөліктер алынып тасталсын.

4. 2 - б а п т а :

б і р і н ш і б ө л і к т е :

"Әскери қызметшілерді зейнетақымен қамсыздандыру туралы" ССРСР Заңы" деген сөздер "Әскери қызметшілерді, ішкі істер органдарының басқарушы және қатардағы құрамының адамдарын және олардың отбасыларын зейнетақымен қамтамасыз ету туралы" Қазақстан Республикасының Заңы" деген сөздермен ауыстырылсын;  
"ең аз" деген сөз алынып тасталсын;

екінші бөліктегі "ССРО-да азаматтарды зейнетақымен қамсыздандыру туралы"  
ССРО Заңы және" деген сөздер алынып тасталсын;

5. 3-бап мынадай редакцияда жазылсын:

" 3 - б а п . О с ы З а ң н ы ң к ү ш і

Осы Заңның Қазақстан Республикасының аумағында күші бар. Зейнетақы алмайтын адамдар, сондай-ақ Заң күшіне енгізілгеннен кейін Қазақстан Республикасына көшіп келген зейнеткерлер үшін осы Заңның шарттары бойынша еңбек зейнетақысын тағайындау мен қайта есептеу Қазақстан Республикасында талап етілетін жұмыс стажының (жалпы жеңілдікті немесе арнаулы) кем дегенде тең жартысы болған жағдайда жүргізіледі.

Басқа мемлекеттермен жасасылған әлеуметтік қамсыздандыру туралы келісімдерде (шарттарда) осы Заңдағыдан өзгеше ережелер көзделген болса, тиісінше осы

келісімдерде (шарттарда) белгіленген ережелер қолданылады".

6. 8 және 9-баптар мынадай редакцияда жазылсын:  
"8-бап. Зейнетақы төлеуге арналған қаражат

Осы Заң бойынша зейнетақы төлеу Қазақстан Республикасы Зейнетақы қорының қаражатынан жүзеге асырылады.

Қазақстан Республикасы Зейнетақы қорының қаражаты Қазақстан Республикасының мемлекеттік бюджетінің құрамына кірмейді және әлеуметтік сақтандыру мақсаттары үшін бекітілген тарифтер бойынша меншік нысанына қарамастан, Қазақстан Республикасының аумағында орналасқан заңды тұлғалар аударатын қаражат, жеке еңбек қызметімен айналысатын адамдардың сақтық жарналары, азаматтардың белгіленген сақтық жарналары, азаматтар мен ұйымдардың ерікті қайырымдылықтары, басқа да аударымдары есебінен құралады.

Қазақстан Республикасының Зейнетақы қоры Қазақстан Республикасы халқын әлеуметтік қорғау жүйесіне енеді. Қазақстан Республикасының Үкіметі Зейнетақы қоры басқару органдарының құрылымын, ведомстволық бағыныстылығы мен өкілеттіктер айқындайды және ол туралы Ережені бекітеді.

Зейнетақы қорының қаражаты Қазақстан Республикасының мемлекеттік банктеріндегі арнаулы шотта сақталады. Сақтағаны және қаражаттың еркін қалдықтарын пайдаланғаны үшін банктер зейнетақы қорына келісім-шарттарында белгіленген проценттерді төлейді.

9-бап. Қазақстан Республикасы Үкіметінің қарауына енетін  
м ә с е л е л е р

Осы Заңда көзделгендерден басқа, Қазақстан Республикасы Үкіметінің қарауына, сондай-ақ зейнетақы тағайындау, қайта есептеу және төлеу тәртібіне, азаматтардың жекелеген санаттарының стажын есептеу ерекшеліктерін анықтауға, осы Заң белгілеген кепілдіктерді сақтай отырып, зейнетақыларға индекстеу мен қосымша төлемдер

жүргізуге байланысты мәселелер де жатады".

7. 10-бап мынадай мазмұндағы төртінші, бесінші, алтыншы және жетінші бөліктермен толықтырылсын:

"Зейнетақыға осы баптың бірінші бөлігінде белгіленген еңбек стажы бар мына жастағы адамдардың құқығы бар:

1996 жылғы 1 шілдеден - жасы 60-тан 6 ай асқан еркектердің, жасы 55-тен 6 ай асқан әйелдердің;

1997 жылғы 1 шілдеден - жасы 61-ге толған еркектердің, 56-ға толған әйелдердің;

1998 жылғы 1 шілдеден - жасы 61-ден 6 ай асқан еркектердің, 56-ға толған әйелдердің;

1999 жылғы 1 шілдеден - жасы 62-ге толған еркектердің, 57-ге толған әйелдердің;

2000 жылғы 1 шілдеден - жасы 62-ден 6 ай асқан еркектердің, 57-ден 6 ай асқан әйелдердің;

2001 жылғы 1 шілдеден бастап және одан кейінгі жылдар 63-ке толған еркектердің, 58-ге толған әйелдердің.

1996 жылғы 1 шілдеден бастап 2001 жылғы 1 шілдеге дейін осы баптың екінші бөлігінде көрсетілген жасына байланысты зейнеткерлік демалысқа мерзімінен бұрын шығуға құқығы бар адамдардың зейнеткерлік жасы жыл сайын 6 айға өсіп отырады.

Жұмыс істеуді тоқтатқан жағдайда жасына байланысты зейнетақы осы баптың бірінші бөлігінде көзделген шарттар бойынша тағайындалуы мүмкін. Мұнымен қатар зейнетақы осы баптың төртінші бөлігінде белгіленген жасқа жеткеннен кейін толық төленуге тиісті зейнетақының (асырауындағылар үшін қосылатын үстемесіз) 60 проценті мөлшерінде төленеді.

Мемлекеттік қызметтегі еркектер, Қазақстан Республикасы Конституциясының 33-бабында оларға белгіленген мемлекеттік қызметте болудың шекті жасына жеткен кезде, ол ұзарылмаған жағдайда және талап етілетін қызмет өткерген жылдары болмаған кезде, мемлекеттік қызметті тоқтатқан сәттен бастап, осы баптың бірінші бөлігінде көзделген шарттарға орай жасы бойынша зейнеткерлікке құқығы бар".

8 . 1 1 - б а п т а :

б і р і н ш і б ө л і к т е :

"ССРО Үкіметі", "Қазақ ССР Министрлер Кабинеті" деген сөздер "Қазақстан Республикасының Үкіметі" деген сөздермен ауыстырылсын;

1-тармақ "Жер асты жұмыстарында" деген сөздерден кейін "жұмыстарда" деген сөздермен толықтырылсын;

бесінші және тоғызыншы абзацтар алынып тасталсын;

4-тармақ мынадай редакцияда жазылсын:

"4) шалғайдағы мал шаруашылығында істейтін қызметкерлер:

еркектер - 55 жасқа толғанда және жалпы еңбек стажы кемінде 25 жыл болып, оның кемінде 20 жылын аталған жұмыста істегенде;

әйелдер - 50 жасқа толғанда және жалпы жұмыс стажы кемінде 20 жыл болып, оның кемінде 15 жылын аталған жұмыста істегенде.

Шалғайдағы мал шаруашылығы қызметкерлерінің санаттары мен учаскелерінің тізбесі Қазақстан Республикасының Үкіметі айқындайтын тәртіппен белгіленеді;

екінші және төртінші бөліктердегі "ССРО Зейнетақы қорының Қазақ республикалық бөлімшесі" деген сөздер "Қазақстан Республикасының Зейнетақы қоры" деген сөздермен ауыстырылсын;

үшінші бөліктегі "5, 7, 9" сандары "3, 5-9" деген сандармен ауыстырылсын;  
мына мазмұндағы алтыншы бөлікпен толықтырылсын:

"1996 жылғы 1 шілдеден бастап 2001 жылғы 1 шілдеге дейін осы баптың 1-13 тармақтарында көрсетілген адамдардың зейнеткерлік жасы жыл сайын 6 айға өсіп отырады".

9 . 1 2 - б а п т а :

екінші бөлік алынып тасталсын;

үшінші бөлік екінші бөлік болып саналсын және ондағы "ССРО" деген сөз "Қазақстан Республикасы" деген сөздермен ауыстырылсын;

10. 14 және 15-баптар мынадай редакцияда жазылсын:

"14-бап. Балалы әйелдерді зейнетақымен қамтамасыз етудің ерекшеліктері

Бес және одан да көп бала туып, оларды сегіз жасқа дейін тәрбиелеген әйелдердің, оларды осы жасқа дейін тәрбиелеген бала жасынан мүгедектердің аналарының, сондай-ақ бала жасынан мүгедек аналардың 50 жасқа толғанда және жұмыс стажы балаларды күтуге кеткен уақытын қоса есептегенде кемінде 20 жыл болғанда жасына байланысты зейнеткерлік демалысқа шығуға құқығы бар.

Осы баптың шарттары бойынша жасына байланысты зейнетақы тағайындаған кезде ескерілетін балалардың қатарына егер жаңа отбасында олардың іс жүзіндегі тәрбиесі сегіз жасқа дейін жүзеге асырылған болса, қайтыс болған ананың асырап алынбаған балалары да жатқызылуы мүмкін.

Сегіз жасқа дейінгі асырап алынбаған балалардың іс жүзіндегі тәрбиесі сот тәртібімен айқындалады.

1996 жылғы 1 шілдеден бастап 2001 жылғы 1 шілдеге дейін осы бапта көрсетілген адамдардың зейнеткерлік жасы жыл сайын 6 айға өсіп отырады.

15-бап. Соғыс мүгедектеріне, мерзімді әскери қызметтің мүгедек әскери қызметшілеріне, соғысқа және басқа да әскери қимылдарға қатысып мүгедек болғандарға жасы бойынша тағайындалатын зейнетақылар

Бұрынғы КСРО-ны және Қазақстан Республикасын қорғау кезінде немесе әскери қызметтің өзге де міндеттерін (қызмет міндеттерін) орындау кезінде жарақаттануы, контузия алуы немесе мертігуі салдарынан, яки майданда болуы немесе ұрыс қимылдары жүргізілген басқа да мемлекеттердің аумағында әскери және қызмет борышын өтеуге байланысты немесе әскери қызметін атқару кезеңінде науқастануы салдарынан мүгедек болған әскери қызметшілер, сондай-ақ тұтқында болған кезінде жарақаттануы, контузияға ұшырауы, мертігуі немесе науқастануы салдарынан мүгедек болған әскери қызметшілер, еңбек ету кезінде мертігуіне, кәсіптік, жалпы ауруы және денсаулығының өзге де зақымдануы (өзінің құқыққа қарсы әрекеттерінің нәтижесінде мүгедек болған жағдайлардан басқа) салдарынан мүгедек деп танылған соғысқа, басқа

да жауынгерлік іс-қимылдарға қатысқан адамдар:  
еркектер - 55 жасқа толғанда және жұмыс стажы кемінде 25 жыл болғанда,  
әйелдер - 50 жасқа толғанда және жұмыс стажы кемінде 20 жыл болғанда зейнетақы  
а л у ғ а х а қ ы л ы .

1996 жылғы 1 шілдеден бастап 2001 жылғы 1 шілдеге дейін осы бапта көрсетілген адамдардың зейнеткерлік жасы жыл сайын 6 айға өсіп отырады".

11. 20-баптың екінші бөлігіндегі "дәрігерлік-еңбек сараптау комиссиясы (ДЕСК)", "Қазақ ССР Министрлер Кабинеті", "Қазақ ССР" деген сөздер тиісінше " медициналық-әлеуметтік сараптау комиссиясы (МӘСК)", "Қазақстан Республикасының Үкіметі", "Қазақстан Республикасы" деген сөздермен ауыстырылсын.

12. 22-баптағы "Советтік органдар және қоғамдық ұйымдар", "Қазақ ССР Министрлер Кабинеті", "Қазақ ССР" деген сөздер тиісінше "мемлекеттік органдар және қоғамдық бірлестіктер", "Қазақстан Республикасының Үкіметі", "Қазақстан Республикасы" деген сөздермен ауыстырылсын;

13. 23-баптың 1-тармағындағы "советтік" деген сөз "мемлекеттік" деген сөзбен а у ы с т ы р ы л с ы н ;

14. 24-баптың атауындағы және мәтініндегі "совет азаматтарына", "ССРО" деген сөздер "Қазақстан Республикасының азаматтарына", "Қазақстан Республикасы" деген с ө з д е р м е н а у ы с т ы р ы л с ы н ;

15-бап. 26-баптың үшінші бөлігінің 2-тармағында:

"(ардақты аналар - жасына қарамастан)" деген сөздер алынып тасталсын;  
мынадай мазмұндағы екінші абзацпен толықтырылсын:

"1996 жылғы 1 шілдеден бастап 2001 жылғы 1 шілдеге дейін осы бапта көрсетілген адамдардың зейнеткерлік жасы жыл сайын 6 айға өсіп отырады".

16. 29-баптың төртінші бөлігіндегі "совет азаматтары", "ССРО" деген сөздер тиісінше "Қазақстан Республикасының азаматтары", "Қазақстан Республикасы" деген с ө з д е р м е н а у ы с т ы р ы л с ы н ;

17. 32-баптың үшінші бөлігі мынадай редакцияда жазылсын:

"Зейнетақыдан үлес бөлу асыраушысынан айрылуына байланысты берілетін зейнетақыға құқығы болған күннен бастап жүргізіледі, бірақ ол зейнетақыдан үлес бөлуге өтініш жасағаннан бұрынғы 12 айдан аспауға тиіс".

17-1, 34-бап мынадай мазмұндағы екінші бөлікпен толықтырылсын:

"Мемлекеттік қызметшілерді еңбек сіңірген жылдары үшін зейнетақымен қамтамасыз ету мемлекеттік қызмет туралы заңға сәйкес жүзеге асырылады".

1 8 . 3 5 - б а п т а :

1 және 3-тармақтардағы "ССРО" деген сөз "Қазақстан Республикасы" деген с ө з д е р м е н а у ы с т ы р ы л с ы н ;

4-тармақ алынып тасталсын;  
мынадай мазмұндағы екінші бөлікпен толықтырылсын:

"1996 жылғы 1 шілдеден бастап 2001 жылғы 1 шілдеге дейін осы баптың 2 және 3-тармақтарында көрсетілген адамдардың зейнеткерлік жасы жыл сайын 6 айға өсіп отырады" .

19 . 36 - б а п т а :

1, 3 және 5-тармақтардағы "ССРО" деген сөз "Қазақстан Республикасы" деген сөздермен ауыстырылсын ;

мына мазмұндағы екінші бөлікпен толықтырылсын:

"1996 жылғы 1 шілдеден бастап 2001 жылғы 1 шілдеге дейін осы бапта 1-5-тармақтарында көрсетілген адамдардың зейнеткерлік жасы жыл сайын 6 айға өсіп отырады" .

20 . 39 - б а п т а :

бірінші бөліктегі "Қазақ ССР" деген сөздер "Қазақстан Республикасы" деген сөздермен ауыстырылсын .

"әйелдер - 55 жасқа толғанда" деген сөзден кейін мына мазмұндағы: "1996 жылғы 1 шілдеден бастап 2001 жылғы 1 шілдеге дейін осы бапта көрсетілген адамдардың зейнеткерлік жасы жыл сайын 6 айға өсіп отырады" деген сөйлеммен толықтырылсын.

Екінші бөліктегі "Қазақ ССР Министрлер Кабинеті" деген сөздер "Қазақстан Республикасының Үкіметі" сөздерімен ауыстырылсын.

21 . 40 - б а п т а :

бірінші бөліктегі, үшінші бөліктің 2 және 3-тармақтарындағы "ССРО қоры" деген сөздер "Қазақстан Республикасының қоры" деген сөздермен ауыстырылсын;

үшінші бөліктің 3-тармағының екінші абзацындағы "ССРО", "ССРО не", "немесе басқа да одақтас республикалардың" деген сөздер алынып тасталсын;

"Қазақ ССР" деген сөздер "Қазақстан Республикасы" деген сөздермен ауыстырылсын ;

12-тармақтағы "аумағында" деген сөздің алдынан "бұрынғы" деген сөз қосылсын;

15-тармақтағы "советтік мекемелер" деген сөздер "бұрынғы кеңестік мекемелер, Қазақстан Республикасының мекемелері" деген сөздермен ауыстырылсын;

мына мазмұндағы 17-тармақпен толықтырылсын:

"17) Қазақстан Республикасының Зейнетақы қорына сақтық жарналар төлеу шартымен шет елде жұмыс істеу";

төртінші бөліктегі "1991 жылғы 1 қаңтарға дейін стажға есептеледі, ал бұл датадан кейін - зейнеткер зейнетақы алмаған болса, есептеледі" деген сөздер "зейнеткер жұмыстан босағаннан соң, осы Заңның 68-бабында көзделген жағдайлардан басқа реттерде стажға есептеледі" деген сөздермен ауыстырылсын;

22 . 41 - б а п т а :

1 және 6-тармақтар мынадай редакцияда жазылсын:

"1) жауынгерлік іс-қимылдар кезінде іс үстіндегі армияның құрамындағы, соның ішінде әскери борышын орындау кезіндегі әскери қызмет, сондай-ақ жауынгерлік

іс-қимылдар кезінде партизан отрядтары мен құрамаларында болу, сонымен қатар әскери қызмет кезінде алған жарақат салдарынан емдеу мекемелерінде емделген уақыт әскери қызметшілердің еңбек сіңірген жылдары үшін зейнетақы тағайындаулар кезде осы қызметтің мерзімдерін есептеу үшін белгіленген тәртіпте";

"б) негізсіз қылмыстық жауапқа тартылған және қуғын-сүргінге ұшырап, соңынан ақталған азаматтардың қамауда болған, бас бостандығынан айыратын жерлерде, айдауда болған, бостандығы шектеліп мәжбүрлі жұмыс істеуге тартылған уақыты, арнайы жер аударылған және жүйке ауруларын емдеу мекемелерінде күшпен емделуге жіберілген уақыты - үш есе мөлшерде".

7-тармақ "жұмыс" деген сөзден кейін "және әскери қызмет" деген сөздермен толықтырылсын;

8-тармақтағы "Қазақ ССР Министрлер Кабинеті" деген сөздер "Қазақстан Республикасының Үкіметі" деген сөздермен ауыстырылсын;

23 . 43 - бапта :

екінші бөліктегі "Қазақ ССР" деген сөздер "Қазақстан Республикасы" деген сөздермен ауыстырылсын;

мынадай мазмұндағы үшінші бөлікпен толықтырылсын:

"Жеңілдікті шарттардағы зейнетақыны (11-13 баптар) және еңбек сіңірген жылдары үшін зейнетақыны (35-38-баптар) алу құқығын белгілеген кезде соған құқық беретін жеңілдікті және арнайы стаж күнтізбе бойынша есептеледі".

24. 45-баптағы "ССРО" деген сөз "Қазақстан Республикасы" деген сөздермен ауыстырылсын;

25. 46, 48 және 55-баптар мынадай редакцияда жазылсын:

"46-бап. Жасына байланысты зейнетақы мөлшері

Жасына байланысты зейнетақы табыстың 60 проценті мөлшерінде (58 және 67-баптар) тағайындалады. Еркектер үшін 25 жылдан, әйелдер үшін 20 жылдан артық жұмыс істеген әрбір толық жыл үшін, осы Заңның 11-бабының 1-тармағында және 12-бабында көзделген жұмыстарды істейтін қызметкерлерге (жер астында жұмыс істейтіндерден басқа) еркектер үшін 20 жылдан және әйелдер үшін 15 жылдан артық істеген әрбір толық жыл үшін зейнетақы еңбекақының 1 процентіне, жер асты қызметкерлеріне - 1,2 процентіне өсіріледі, бірақ есептік көрсеткіштен кем болмауға тиіс.

Осы Заңның 11-бабының 1-тармағында және 12-бабында көзделген жер асты жұмыстарында істейтін қызметкерлерге жеңілдікті зейнетақы алуға құқық беретін әрбір жылы үшін зейнетақы еңбекақының 1,2 процентіне өсіріледі, бірақ есептік көрсеткіштен кем болмауға тиіс. Заңның 11-бабының 1-тармағында және 12-бабында көзделген жұмыстарда істейтін басқа қызметкерлерге - еркектер 10 жылдан және әйелдер 7 жыл 6 айдан астам уақыт жұмыс істеген жеңілдікті шартпен зейнетақы алуға құқық беретін жұмыс істеген әрбір жыл үшін зейнетақы жалақының 1 процентіне

өсіріледі, бірақ есептік көрсеткіштен кем болмауға тиіс.

Осы баптың бірінші бөлігінде көзделген талап етілетін жалпы еңбек стажынан тыс жұмыс істеген әрбір толық жыл үшін және осы баптың екінші бөлігінде көзделген жұмыс үшін қосылатын жалпы сома есепке алынған еңбекақының 40 процентінен аспауға тиіс.

Осы Заңның 10-бабының төртінші бөлігінде, сондай-ақ 40-бабының үшінші бөлігінің 1-5-тармақтарында көзделгендей, еңбек қызметін одан әрі жалғастыруына байланысты жасына қарай зейнеткерлікке шығуды кейінге қалдырған әрбір толық жыл үшін, бірақ ол жыл үш жылдан аспауға тиіс, зейнетақы мөлшері зейнетақының негізгі мөлшерінің 10 процентіне өсіріледі, бірақ ол жасына байланысты зейнетақының ең төменгі мөлшерінен кем болмауға тиіс. Бұл жағдайда зейнетақы осы бапта көзделген шектеуден тыс көбейтіледі.

Жасына байланысты зейнетақының ең төменгі мөлшері республикалық бюджетте жыл сайын белгіленетін әлеуметтік және өзге де төлемдерге арналған есептік көрсеткіштің 100 проценті мөлшерінде белгіленеді.

Еңбекақының 60 проценті мөлшерінде есептелген жасына байланысты зейнетақы оның ең төменгі мөлшеріне жетпеген жағдайда, осы бапта көзделген көбейту, жасына байланысты зейнетақының ең төменгі мөлшеріне қосылады.

Егер табысы туралы дерек мүлде жоқ болса, онда жұмыс стажы үшін зейнетақыны көбейту республикалық бюджетте жыл сайын белгіленетін әлеуметтік және өзге де төлемдерге арналған есептік көрсеткішке сүйене отырып жүргізіледі.

"48-бап. Мерзімді қызметтің әскери қызметшілеріне мүгедектігіне байланысты берілетін зейнетақылардың мөлшері

Мерзімді қызметтің әскери қызметшілеріне мүгедектігіне байланысты зейнетақылар мынадай мөлшерде тағайындалады:

1) Заңның 15-бабында көрсетілген соғыс мүгедектеріне, басқа мүгедектерге, I және II топтағыларға еңбекақының (ақшалай үлес сомасының) 85 проценті, III топтағыларға - 50 проценті мөлшерінде;

2) I және II топтағы басқа мүгедектерге еңбекақының (ақшалай үлес сомасының) 75 проценті, III топтағыларға - 40 проценті мөлшерінде".

55-бап. Батыр аналарға және "Алтын алқа" алқасымен наградталған көп балалы аналарға берілетін зейнетақының ең төменгі мөлшері

Батыр аналарға және "Алтын алқа" алқасымен наградталған көп балалы аналарға тағайындалатын зейнетақының, соның ішінде жұмыс стажы толық болмаған жағдайда жасына байланысты, мүгедектігі мен асыраушысынан айырылуына байланысты зейнетақылардың мөлшері жасына байланысты зейнетақының ең төменгі мөлшерінің 100 проценті мөлшерінде белгіленеді".



26. 56-баптың бірінші бөлігінде:  
бірінші абзац мынадай редакцияда жазылсын:

"Жасына, мүгедектігіне, асыраушысынан айрылуына байланысты зейнетақыларға, соның ішінде ең төменгі мөлшердегі және стажы толық болмаған жағдайда есептелген зейнетақыларға, әлеуметтік зейнетақыларға мынадай үстемелер белгіленеді";

1-тармақтағы "(26 және 27-баптар)" деген сөздер "(26 және 27-баптардың 1-4 тармақтары)" деген сөздермен алмастырылсын;

2-тармақтағы "жалғызілікті зейнеткерлерге" деген сөздердің алдындағы "жасына байланысты" деген сөздер алынып тасталсын;

27. 57-баптың 1-тармағы мынадай редакцияда жазылсын:

"1) соғыс мүгедектеріне, әскери борышын орындау кезінде еңбек жарақаты, кәсіптік және жалпы ауруы салдарынан мүгедек деп танылған (заңға қарсы әрекеттері салдарынан болған мүгедектік жағдайынан басқа), соғысқа және басқа да жауынгерлік іс-қимылдарға қатысушыларға, әскери қызметін өткеру кезінде ауруы салдарынан мүгедек болған мерзімді қызметтегі әскери қызметшілердің мүгедектеріне берілетін жасына байланысты зейнетақылар, соның ішінде ең төменгі зейнетақылар - "Әскери қызметшілерді, ішкі істер органдарының басқарушы және қатардағы құрамының адамдарын және олардың отбасыларын зейнетақымен қамтамасыз ету туралы" Қазақстан Республикасының Заңы белгілеген соғыс мүгедектерінің тиісті санаттары үшін тағайындалатын зейнетақының ең төменгі мөлшеріне көбейтіледі".

28. 58-баптың екінші бөлігі мынадай редакцияда жазылсын:

"Мұнымен қатар зейнетақы есептеу үшін республикалық бюджетте жыл сайын белгіленетін әлеуметтік және өзге де төлемдерге арналған есептік көрсеткіштің он бес есе мөлшерінен аспайтын табыс сомасы алынады".

29 . 60 - б а п т а :

бірінші бөліктегі "Қазақ ССР Министрлер Кабинеті" деген сөздер "Қазақстан Республикасының Үкіметі" деген сөздермен ауыстырылсын;

төртінші бөліктегі "негізгі қызметі бойынша толық қызмет оклады (ставка) алмаған болса және" деген сөздер алынып тасталсын;

30 . 66 - б а п т а :

атауы мен мәтініндегі "совет азаматтарына" деген сөздер тиісінше "Қазақстан Республикасының азаматтарына" деген сөздермен ауыстырылсын;

"ССРО", "Қазақ ССР-і" деген сөздер "Қазақстан Республикасы" деген сөздермен ауыстырылсын;

31. 67-баптың екінші бөлігі мынадай редакцияда жазылсын:

"Мұнымен қатар осы Заңның 58-бабында республикалық бюджетте жыл сайын белгіленетін әлеуметтік және өзге де төлемдерге арнап көзделген есептік көрсеткіштің он бес есе мөлшері, сондай-ақ сол ауданның өндірістік емес салаларының жұмысшылары мен қызметкерлері үшін белгіленген аудандық коэффициент қолданыла

о т ы р ы п

е с е п т е л е д і " .

32. 71-бапта: "26 және 27 баптар", "Қазақ ССР" деген сөздер тиісінше "26-баптың 1-4-тармақтары және 27-бап", "Қазақстан Республикасы" деген сөздермен ауыстырылсын .

3 3 .

7 2 - б а п т а :

"ең төменгі жалақы" деген сөздер "республикалық бюджетте жыл сайын белгіленетін әлеуметтік және өзге де төлемдерге арналған есептік көрсеткіш" деген сөздермен а у ы с т ы р ы л с ы н ;

екінші сөйлем алынып тасталсын.

34. 73-баптағы "Қазақ ССР Жоғарғы Кеңесі" деген сөздер "Қазақстан Республикасының заң актілері" деген сөздермен ауыстырылсын.

3 5 .

7 4 - б а п т а :

үшінші және бесінші бөліктердегі "кәсіпорындардың немесе ұйымдардың орналасқан жеріндегі әлеуметтік қамсыздандыру бөлімі" деген сөздер "кәсіпорындардың немесе ұйымдардың орналасқан жеріндегі яки халықты әлеуметтік қорғау органдары белгілейтін тәртіпке сәйкес өтініш жасаушының тұрғылықты жері бойынша халықты әлеуметтік қамсыздандыру бөлімі" деген сөздермен ауыстырылсын;

оныншы бөліктегі "ССРО Зейнетақы қорының Қазақ Республикалық бөлімшесіне" деген сөздер "Қазақстан Республикасының Зейнетақы қорына" деген сөздермен а у ы с т ы р ы л с ы н ;

36. 75-баптың бірінші және екінші бөліктері мынадай редакцияда жазылсын:

"Зейнетақыны тиісті әкімшілік-аумақтық бірлік шегінде әкімдер құратын зейнетақы тағайындау жөніндегі комиссиялар тағайындайды. Комиссияның құрамына басқа мүшелерімен қатар аудандық (қалалық) халықты әлеуметтік қорғау бөлімінің м е н г е р у ш і с і е н е д і " ;

үшінші бөлік екінші бөлік болып саналсын;

37. 77-баптағы "халық депутаттары аудандық (қалалық) Советіне" деген сөздер "тиісті әкімшілік-аумақтық бірліктің әкіміне" деген сөздермен ауыстырылсын;

38. 81-бап мынадай редакцияда жазылсын:

"81-бап. Зейнетақы төлеудің тәртібі

Зейнетақы мынадай тәртіппен төленеді:

1) жұмыс істемейтін зейнеткерлерге өткен ай үшін - іс жүзінде зейнеткердің тұратын жері бойынша қайда тіркелгеніне қарамастан зейнетақы төлейтін халықты әлеуметтік қорғау органы қызмет көрсететін әкімшілік-аумақтық бірлік шегінде.

Зейнетақыларды жеткізіп беру және жіберу Қазақстан Республикасы Зейнетақы қорының қаражаты есебінен жүзеге асырылады;

2) жұмыс істейтін зейнеткерлерге - егер алып жүрген жалақысы республикалық бюджетте жыл сайын белгіленетін әлеуметтік және өзге де төлемдерге арналған есептік көрсеткіштің он бес есе мөлшерінен асатын болса, зейнетақысының 50 проценті

мөлшерінде (отбасының еңбекке жарамсыз мүшелеріне қосылатын үстемелерсіз), басқа зейнеткерлерге, сондай-ақ соғысқа қатысушыларға, мүгедектердің барлық санаттарына - әлеуметтік сақтық жарналары есебінен жұмыс орны бойынша алатын табысына (кірісіне) қарамастан толық мөлшерде (отбасының еңбекке жарамсыз мүшелеріне қосылатын үстемелерсіз) төленеді.

Өткен ай үшін зейнетақы айдың екінші жартысындағы жалақымен бір мезгілде төленеді.

Зейнеткер басқа мемлекеттен Қазақстан Республикасының аумағына көшіп келген кезде зейнетақы бұрынғы тұрған жері бойынша зейнетақы төлеу тоқтатылған күннен бастап төленеді, бірақ жаңадан көшіп келіп тіркелген жеріндегі халықты әлеуметтік қорғау бөліміне жазбаша өтініш берген күннен бұрынғы 6 айдан аспайтын уақытқа төленеді".

39. 91-баптың төртінші бөлігі мынадай редакцияда жазылсын:

"зейнеткер қайтыс болған жағдайда оның отбасына оны жерлеу үшін екі айлық зейнетақысы мөлшерінде, бірақ есептік көрсеткіштің он есе мөлшерінен аспайтын мөлшерде, ал Ұлы Отан соғысының қатысушысы немесе мүгедегі қайтыс болған жағдайда республикалық бюджетте жыл сайын белгіленетін әлеуметтік және өзге де төлемдерге арналған есептік көрсеткіштің отыз бес есе мөлшерінен кем емес сомада жәрдем беріледі".

40. 92 - бапта :

"ССРО" деген сөз тиісінше "Қазақстан Республикасында", "Қазақстан Республикасының" деген сөздермен ауыстырылсын;

бірінші бөлігі "шетелге кетер алдындағы" деген сөздерден кейін "зейнетақы төлейтін халықты әлеуметтік қорғау органына шетелге кететіні туралы өтініш берген күнгі зейнетақы мөлшерінен" деген сөздермен толықтырылсын.

41. Заң мынадай мазмұндағы 98-баппен толықтырылсын:

"98-бап. Ерікті түрде қосымша зейнетақымен қамтамасыз ету

Азаматтардың ерікті түрде зейнетақымен қамтамасыз етілуіне құқығы бар.

Ерікті түрде қосымша зейнетақымен қамтамасыз етуді жүзеге асыратын ұйым қызметінің тәртібі мен шарттары Қазақстан Республикасының заң актілерімен анықталады".

43, 6, 34, 76-78, 80, 82-баптардағы "әлеуметтік қамсыздандыру" деген сөздер "халықты әлеуметтік қорғау" деген сөздермен, 52-баптағы "(10-бап)" деген сөздер "(10-баптың бірінші бөлігі) деген сөздермен, "10, 37, 38, 42, 44-баптардағы "Қазақ ССР Министрлер Кабинеті" деген сөздер "Қазақстан Республикасының Үкіметі" деген сөздермен, 25, 59, 78, 86-баптардағы "ДЕСК" деген сөздер "МӘСК" деген сөздермен, 44, 61, 65-баптардағы "ССРО" деген сөз, ал 93-баптағы "Қазақ ССР" деген сөздер "Қазақстан Республикасы" деген сөздермен ауыстырылсын.

38, 93-баптардағы "ССРО Үкіметі және", "ССР Одағы және" деген сөздер алынып

т а с т а л с ы н .

2-бап. "Қазақстан Республикасында азаматтарды зейнетақымен қамтамасыз ету туралы" Қазақстан Республикасының Заңының 13 және 37-баптарының күші 2001 жылғы 1 қаңтарға дейін тоқтатылсын.

3-бап. 1996-1998 жылдары зейнеткерлікке шығатын адамдарға зейнетақы есептеу үшін зейнетақы сұрап өтініш берер алдындағы соңғы 15 жыл ішіндегі қатарынан кез келген 12 айының орташа айлық табысы ескеріледі.

Заңның 68-бабының шарттарына орай зейнетақыларды қайта есептеу кезінде зейнетақының жаңа мөлшері 2 жылғы жұмысының ұсынылған неғұрлым жоғары табысының соңғы 12 айындағы табысымен айқындалады.

4-бап. Қазақстан Республикасының Үкіметі екі ай мерзімде "Қазақ ССР-інде азаматтарды Зейнетақымен қамсыздандыру туралы" Қазақ ССР-інің Заңына өзгертулер мен толықтырулар енгізу туралы" Қазақстан Республикасының Заңын қолдану жөнінде қажетті актілер қабылдасын.

Қазақстан Республикасы Үкіметінің шешімдерін осы Заңға сәйкес келтірсін.

5-бап. "Қазақ ССР-інде азаматтарды Зейнетақымен қамсыздандыру туралы" Қазақ ССР-інің Заңына өзгертулер мен толықтырулар енгізу туралы" Қазақстан Республикасының Заңы жарияланған күнінен бастап күшіне енгізілсін.

Қазақстан Республикасының  
Президенті